

禮

經

釋

例

禮經釋例卷五目錄

飲食之例下

凡醴皆設柶用籩豆

凡醴皆用觶不卒爵

凡祭醴始扱一祭又扱再祭謂之祭醴三

凡酌而無酬酢曰醺

凡執爵皆左手祭薦皆右手

凡祭薦者坐祭俎者興祭薦者執爵祭俎者奠爵

凡祭薦不挽手祭俎則挽手

凡祭酒禮盛者啐酒不盛者不啐酒祭肺禮盛者啐肺

禮記集說卷五十四
不盛者不臠肺

凡祭皆于豆籩之間或上豆之間

凡餽者亦祭

凡飲酒君臣不相襲爵男女不相襲爵

凡脯醢謂之薦出自東房

凡牲皆用右胖唯變禮反吉用左胖

凡牲二十一體謂之體解

凡牲七體謂之豚解

凡肺皆有二一舉肺一祭肺

凡牲殺曰饗生曰餼饗之屬皆陳于堂上下餼之屬皆

陳于門內外

凡食于廟燕于寢鄉飲酒于庠

共十八例

附周官九祭解一篇

儀禮釋牲上下二篇

禮經釋例卷五目錄

禮經釋例

卷五目錄

禮經釋例卷五

欽凌廷堪次仲學

飲食之例下

凡醴皆設柶用籩豆

廷堪案士冠禮賓醴冠者贊者洗于房中側酌醴加

柶覆之而葉

注葉柶大端

又賓授醴于戶東加柶面枋冠

者筵西拜受觶士昏禮女父醴使者贊者酌醴加角

柶面葉出于房主人受醴

主人女父也

面枋筵前西北面

賓拜受醴

賓使者也

此皆酌者面葉以授醴者所以然者

醴者尊不自酌必由酌醴者授之凡訝受皆對面相

授受酌醴者面葉以授醴者則醴者始得面枋以授
受醴者受醴者受之乃得前其葉以扱醴而祭也士
昏禮舅姑醴婦贊者酌醴加枋面枋出房席前北面
婦東面拜受此則酌者面枋徑授受醴者所以然者
舅姑益尊不自酌併不自授徑由酌者授之故面枋
以便受醴面葉而祭也亦有酌者由醴者轉授而面
枋者聘禮主國之君禮聘賓宰夫實觶以醴加枋于
觶面枋公側受醴賓不降壹拜進筵前受醴注不面
擻也卽葉不訝受也疏云公西面向賓宰夫自東箱來
醴尊皆在房中在公傍側竝授與公故不面擻也凡
唯聘禮在東箱

竝受皆竝面相授受宰夫與公皆西面故面枋授公

公亦面枋授聘賓

此授聘賓是訝受

而聘賓受醴亦得面葉

而祭也醴有糟與酒不同故用枳也士冠禮賓醴冠者薦脯醢士昏禮女父醴使者贊者薦脯醢又贊醴婦薦脯醢聘禮禮賓宰夫薦籩豆脯醢聘禮記禮不拜至薦脯五臠祭半臠橫之是醴皆設枳用籩豆也聘禮記言脯不言醢者舉籩以該豆也

又案聘禮宰夫實觶以醴注君不自酌尊也考士冠禮賓禮冠者士昏禮女父醴使者皆不自酌而用贊者酌之至士昏禮舅姑醴婦則贊者酌之亦贊者授

之是醴不自酌蓋禮經之通例如此非獨聘禮宰夫
實醴授公爲尊君也又士冠禮乃醴賓注醴賓不用
枓沛其醴內則曰飲重醴稻醴清糟黍醴清糟梁醴
清糟凡醴事質者用糟文者用清此注蓋據內則言
之禮經無醴不用枓之文也又疏云質者謂若冠禮
禮子之類故以房戶之間顯處設尊也考醴尊皆設
于房中聘禮醴尊則設于東箱皆不于房戶之間疏
說非矣

凡醴皆用觶不卒爵

廷堪案士冠禮賓醴冠者筵末坐啐醴捷枓興降筵

坐奠觶拜執觶興賓答拜冠者奠觶于薦東士昏禮

女父醴使者西階上北面坐啐醴建柶興坐奠觶遂

拜主人答拜賓卽筵奠于薦左賓南面薦左卽薦東也又舅姑

醴婦降席東面坐啐醴建柶興拜贊答拜婦又拜贊

拜婦兩拜是爲俠拜興于薦東聘禮主君醴聘賓庭實設降筵

北面以柶兼諸觶尚撤撤卽葉士冠禮注古文坐啐

醴公用束帛建柶北面奠于薦東是凡醴皆用觶但

啐之而已不卒爵也舅姑醴婦降席東面坐啐醴賓

醴冠者但云筵末坐啐醴不云東面女父醴使者西

階上北面坐啐醴主君禮聘賓但云北面坐啐醴不

云西階上皆文不具也士昏聘禮皆云建柶唯士冠作捷柶開成石經亦作建柶蓋後人因釋文而誤改當從石經也醴事質如羹之有大羹滂酒之有明水故啐而不卒爵從其質也至於主君禮聘賓有庭實用束帛與冠昏不同者蓋國君之禮又盛矣

又案士昏記父醴女而俟迎者注父醴之于房中南面蓋母薦焉重昏禮也女奠爵于薦東立于位而俟壻此數語直可補經識者謂鄭氏注精確處與經並行良不誣也

凡祭醴始扱一祭又扱再祭謂之祭醴三

廷堪案士冠禮賓醴冠者士昏禮女父禮使者又舅
姑醴婦聘禮主君禮聘賓皆云以杞祭醴三考士昏
記祭醴始扱一祭又扱再祭敖氏繼公曰始扱一祭
又扱則再祭示隆殺也一扱而可以再祭則杞葉如
勺矣聘禮記祭醴再扱始扱一祭卒再祭注卒謂後
扱卽此祭醴三也疏云禮成于三始祭禮之初故云
扱一祭及又扱則分爲兩祭故云又扱再祭是爲三
祭也凡祭醴之法皆然經但云祭醴三而注無文者
以見於士昏記及聘禮記故也

凡酌而無酬酢曰醺

廷堪案士冠禮若不醴則醺用酒注酌而無酬酢曰醺疏云醴太古之初自然質無酬酢酒本有酬酢故無酬酢得名醺也士昏記庶婦則使人醺之注庶婦庶子之婦也使人醺之不饗也酒不酬酢曰醺亦有脯醢考酒事文也有獻有酢有酬如鄉飲鄉射燕禮大射特牲少牢祭畢飲酒之屬皆是也醴事質也無酬無酢如昏禮聘禮禮賓及賓醴冠者贊醴婦之屬皆是也若醺唯冠昏二禮有之雖用酒而於醴事相近經皆不云酬酢故注云醺而無酬酢曰醺也士冠禮有醴有醺故有醴辭又有醺辭禮記冠義云醺於

客位此言用醺者也士昏記父醺女而俟迎者又云

父醺子而命之辭

石經無辭字

昏義云父醺子而命之迎

男先於女也女用醺而男用醺亦質文相變之意也

又案士昏記父醺子命之辭曰往迎爾相承我宗事

勗帥以敬先妣之嗣若則有常子曰諾唯恐弗堪不

敢忘命荀子大略篇親迎之禮父南鄉而立子北而

而跪醺而命之往迎爾相成我宗事隆率以敬先妣

之嗣若則有常子曰諾唯恐不能敢忘命矣與禮經

同足徵荀子之書所述者皆周孔之微言矣

凡執爵皆左手祭薦皆右手

廷堪案士冠禮用醴及醕用酒之儀皆冠者卽筵坐

卽筵醕用酒左執觶右祭脯醢用醴執觶祭薦之儀

與酒同唯有柶無折俎爲異耳士昏禮女父禮使者

賓卽筵坐左執觶祭脯醢注左執觶則祭以右手也

贊醴婦升席左執觶右祭脯醢聘禮主君禮聘賓

賓祭脯醢皆用醴之儀聘禮不云右祭者文不具也

注見昏禮鄉射禮燕禮大射儀主人獻賓皆賓坐左

執爵右祭脯醢執爵大射儀作執觶鄉飲酒禮主人獻賓賓坐

左執爵祭脯醢注祭脯醢者以右手疏云此經左執

爵明祭用右手是以鄉射亦云右祭脯醢此皆飲酒

之禮也。祭脯醢者，皆右手取祭脯，揔于醢，祭之。特牲饋食禮，尸入，九飯之前，祝命授祭，尸左執觶，右取菹，揔于醢，祭于豆間。主人初獻，尸左執角，右取肝，揔于醢，振祭，齊之，加于菹豆。尸酢主婦，主婦左執爵，右撫祭，少牢饋食禮。主人獻尸，尸左執爵，右兼取肝，揔于俎鹽，振祭，齊之，加于菹豆。尸酢主人，主人左執爵，右受佐食，坐祭之。右受佐食，謂右手受，墮祭于佐食。有司微不饋尸。禮，主婦致爵于主人，主人左執爵，右取菹，揔于醢，祭于豆間。遂祭籩，又賓致爵于主婦，主婦升筵，坐左執爵，右取菹，揔于醢，祭之。祭籩，此皆祭時之禮也。有司

徹主人獻尸尸坐左執爵右取韭菹捩于三豆祭于
豆間尸取麴蕡宰夫贊者取白黑以授尸尸受兼祭
于豆間主人獻侑侑坐左執爵右取菹捩于醢祭于
豆間又取麴蕡同祭于豆祭主婦受尸酢主婦坐左
執爵右取菹捩于醢祭于豆間又取麴蕡兼祭于豆
祭主人獻長賓賓坐左執爵右取脯捩于醢祭之此
皆祭畢饋尸之禮也儀並與飲酒同至于士虞禮主
人獻祝祝左執爵祭薦特牲饋食禮尸醑卽酢字主人
主人坐左執角受祭祭之又主人獻祝祝左執角祭
豆又賓三獻主婦致爵于主人主人左執爵祭薦祭

畢主人獻賓賓左執爵祭豆有司徹主人受尸酢左
執爵祭豆籩主婦獻尸尸坐左執爵祭糗脩同祭于
豆祭以羊鉶之杞挹羊鉶遂以挹豕鉶祭于豆祭主
婦獻侑侑坐左執爵取糗脩兼祭于豆祭不饋尸禮
主婦亞獻尸左執爵取糗糗祝取栗脯以授尸尸兼
祭于豆祭其祭亦皆是右手經注不云右者可知也
又案特牲饋食禮尸醋主人主人左執角祭酒啐酒
尸酢主婦主婦左執爵祭酒啐酒有司徹主人獻尸
侑尸侑祭酒皆左執爵執爵既用左手則祭酒亦必
用左手矣

凡祭薦者坐祭俎者興祭薦者執爵祭俎者奠爵

廷堪案鄉飲酒禮主人獻賓賓坐左執爵祭脯醢奠爵于薦西興右手取肺卻左手執本坐弗繚右絕末以祭尚左手臠之興加于俎注興起也鄉射禮主人獻賓賓坐左執爵右祭脯醢奠爵于薦西興取肺坐絕祭尚左手臠之興加于俎二禮並同唯鄉飲酒繚祭鄉射絕祭爲小異耳祭肺用兩手故必奠爵俎高于豆故必興祭用右手執肺本用左手也取肺興祭時乃坐祭畢加俎又興也燕禮大射儀主人獻賓皆奠爵于薦右興取肺坐絕祭臠之興加于俎主人獻

公皆云公祭如賓禮唯燕禮膳宰贊授肺大射儀庶
子贊授肺較賓爲隆蓋卽周官大祝九祭之共祭也
後鄭大祝注 餘皆無俎大射儀主人獻卿乃薦脯醢
共猶授也 卿升席庶子設折俎卿坐左執爵右祭脯醢奠爵于
薦右興取肺坐絕祭不啻肺興加于俎燕禮卿無俎
而大射儀有俎者注謂射禮尊也不啻者自貶于君
至于獻大夫以下亦皆無俎與燕禮同也公食大夫
禮三牲之肺不離贊者辯取之壹以授賓賓興受坐
祭注云賓興受坐祭重牲也士虞禮主人獻祝祝奠
爵興取肺坐祭啻之興加于俎特牲饋食禮主人獻

祝又云奠角者文不具也又賓三獻主婦致爵于主人主人左執爵祭薦宗人贊祭奠爵興取肺坐絕祭
臠之興加于俎主人獻賓但不贊祭餘皆同有司徹
主人獻尸司馬羞羊肉清尸坐奠爵興取肺坐絕祭
臠之興反加于俎主人受尸酢司馬羞羊肉清主人
坐奠爵于左興受肺坐絕祭臠之興反加于清俎此
祭畢儋尸之禮尊主人故與尸同也主婦受尸酢奠
爵興取肺坐絕祭臠之興加于俎主婦受尸酢與獻
侑同唯主婦祭肺奠爵爲異耳又不儋尸之禮主婦
致爵于主人及賓致爵于主婦皆左執爵右祭豆簋

後奠爵興取肺坐絕祭臍之興加于俎以上竝祭薦者坐而執爵祭俎者興而奠爵蓋祭薦祭俎之正禮也

又案亦有祭俎不奠爵者大射儀司馬獻服不

射鄉

者獲者左執爵右祭薦俎注祭俎不奠爵不備禮又

司射獻釋獲者釋獲者就其薦坐左執爵右祭脯醢興取肺坐祭注祭俎不奠爵亦賤不備禮鄉射司馬獻獲者司射獻釋獲者皆設折俎有祭亦不奠爵如大射儀也有司徹主人獻尸次賓授匕涪尸興左執爵右取肺坐祭之主人獻侑侑祭豆籩畢興左執爵

右取肺坐祭之主人受尸酢祭與獻侑同又主婦獻
侑主人獻長賓侑賓祭肺皆不奠爵蓋祭畢儻尸殺
于飲酒正禮故祭俎不奠爵唯主人獻尸及主人受
尸酢至司馬羞羊肉滑時祭肺始一奠爵也此皆禮
之殺者亦有祭俎不興者士虞禮尸入坐佐食舉肺
脊三飯佐食舉幹注幹脊也又三飯舉骼又三飯舉肩尸
皆坐受振祭嗜之不興尸坐之後經不云興故知不興也特牲饋食

禮尸入坐舉肺脊

亦佐食舉以授尸

三飯舉幹又三飯舉骼

又三飯舉肩少牢饋食禮尸入坐上佐食舉尸牢肺

正脊以授尸

張氏爾岐曰吳氏云授尸下有尸受祭肺四字今案唐石本亦無四字唯下文

食舉疏云云舉牢肺正脊也者上文云上佐食舉尸
牢肺正脊以授尸尸受祭肺明今食先云食舉是上
牢肺正脊也據此文則賈作䟽時經三飯舉牢幹又
文尚有尸受祭肺四字故吳云然也食舉牢幹又
食舉魚又食舉腊肩又食舉牢骼又食告飽祝侑之
後尸又食舉牢肩告飽祝侑之後尸又三飯亦皆坐
受振祭瘠之不興與士虞禮同唯祭畢士虞實于篚
特牲少牢加于胙俎爲異尸祭俎不興者尊尸也此
皆禮之隆者再考公食大夫禮及燕禮大射主人獻
公亦禮之隆而祭俎亦興者事人之禮不同于事鬼
神也至于祭畢儻尸于堂則以人道事尸與在室中
者不同故祭俎亦興也

又案祭薦者以右手取祭脯擣于醢而祭于豆間用一手故不奠爵籩豆卑故不與脯乾肉故不挽手鄉飲酒記薦脯五挺橫祭于其上鄉射記薦脯用籩五臠祭半臠橫于上醢以豆出自東房臠長尺二寸注脯用籩籩宜乾物也醢以豆豆宜濡物也祭橫于上殊之也于人爲縮又鄉飲酒記注引曲禮曰以脯修置者左胸右末疏云臠長尺二寸則祭半臠者長六寸引曲禮者見設之皆橫于人前疏謂橫于人前者指薦脯也注謂于人爲縮者指祭脯也祭脯縮于人前者爲其便于取之擣醢而祭也鄉飲酒主人獻賓

祭薦畢奠爵于薦西。䟽云爲取肺奠之將舉故奠于右。禮記少儀云取俎進俎不坐是以取時奠爵與至加于俎又興也。賈氏引少儀者蓋亦據經文祭俎之正禮而言。

又案鄉飲酒禮賓祭俎興右手取肺卻左手執本坐弗繚右絕末以祭尚左手注肺離之本端厚大者繚猶紵也。大夫以上威儀多紵絕之尚左手者明垂紵之乃絕其末。䟽云此鄉飲酒大夫禮故云繚祭鄉射士禮云絕祭但云繚必兼絕言絕不得兼繚是以此經云繚兼言絕也。言大夫以上則天子諸侯亦繚絕。

兼有但禮篇亡無以知也案周禮大祝云辨九祭七
曰絕祭八曰繚祭註云繚祭以手從肺本循之至于
末乃絕以祭絕祭不循其本直絕以祭本同禮多者
繚之禮略者絕則祭之亦據此與鄉射而言也大夫
以上爲繚祭燕禮大射雖諸侯禮以賓皆大夫爲之
臣在君前故不爲繚祭皆爲絕祭也繚祭絕祭注疏
之說甚明經文云弗繚考說文弗橋也其義亦可與
經注相證張氏爾岐曰弗繚者直絕末以祭不必繚
也大夫以上威儀多乃繚士則否經文言弗繚以賓
固士也直以弗繚作不繚解與注疏異矣

凡祭薦不挽手祭俎則挽手

廷堪案祭薦不挽手說見上祭俎則挽手者考鄉飲酒鄉射主人獻賓燕禮大射主人獻賓大射主人獻卿皆祭肺興加于俎之後坐挽手然後執爵祭酒此見之於嘉禮者也特牲饋食禮賓三獻主婦致爵于主人及主人獻賓有司徹不償尸之禮主婦致爵于主人及賓致爵于主婦亦皆祭肺興加于俎之後坐挽手然後執爵祭酒此見之于吉禮者也蓋祭肺或燎祭或絕祭竝禮之盛用兩手故必奠爵挽手也亦有祭俎不挽手者大射儀司馬獻服不司射獻釋獲

者皆不奠爵不挽手鄉射司馬獻獲者司射獻釋獲

者亦同

不奠爵用一手則非繚祭絕祭可知

禮殺不敢備也士虞禮主

人獻祝祝奠爵祭肺特牲主人獻祝祝執角祭肺皆

不挽手

少牢祝俎無肺禮更殺也

有司徹主人獻尸主人受尸酢

主婦獻侑主人獻長賓祭俎皆不挽手亦不備禮也

至于士虞特牲尸入九飯舉肺脊幹骼肩

十一飯舉肺脊幹骼肩

舉幹後又舉魚與腊肩方士禮爲盛

尸皆不挽

手者有佐食授之尊尸也燕禮公祭俎膳宰贊授肺

大射公祭俎庶子贊授肺經並云祭如賓禮不云挽

手與否既云祭如賓禮或亦挽手歟公食大夫禮三

牲之肺不離贊者辯取之壹以授賓賓興受坐祭扱手此有贊者授之而亦扱手則燕禮大射公祭俎皆扱手可知矣

凡祭酒禮盛者啐酒不盛者不啐酒祭肺禮盛者啐肺不盛者不啐肺

廷堪案士冠禮醕用酒冠者祭酒興筵末坐啐酒

若醴

但啐之而已

鄉飲酒鄉射主人獻賓賓皆祭酒興席

末坐啐酒燕禮大射主人獻賓亦皆祭酒興席末坐

啐酒

主人獻公與賓同

皆禮之盛者鄉射禮主人獻導導祭

如賓禮不啐酒注殺於賓也燕禮主人獻卿遂祭酒

不啐酒鄉飲酒主人獻介不啐酒皆禮之殺者特牲

饋食主人初獻尸尸祭酒啐酒尸醋

卽酢字

主人主人

祭酒啐酒主人獻祝祝祭酒啐酒主婦亞獻賓三獻

主婦致爵于主人嗣舉奠皆同少牢饋食主人獻尸

尸酢主人主人獻祝賓長獻祝上餽餽主人有司徹

主人獻尸主人受尸酢主婦獻尸主婦致爵于主人

主婦受尸酢皆祭酒啐酒士虞禮主人獻尸主人獻

祝經並云祭酒嘗之嘗酒卽啐酒也亦皆禮之盛者

特牲饋食主人獻佐食主人獻賓少牢饋食主人獻

兩佐食主婦獻尸主婦獻兩佐食賓長獻尸尸酢賓

長有司徹主人獻侑主人酬尸主人獻長賓上賓三
獻皆祭酒不啐酒亦皆禮之殺者是禮盛者啐酒不
盛者不啐酒也鄉飲酒鄉射主人獻賓皆祭肺膾之
燕禮大射主人獻賓亦皆祭肺膾之皆禮之盛者鄉
飲酒主人獻介不膾肺鄉射禮主人獻遵不膾肺大
射主人獻卿不膾肺注不膾啐自貶於君燕禮卿無俎但不啐
而已皆禮之殺者士虞禮尸九飯佐食舉肺脊授尸尸
受振祭膾之特牲尸九飯同士虞特牲主人獻祝特
牲主人獻賓有司徹主人獻尸主人受尸酢主婦受
尸酢皆祭肺膾之亦皆禮之盛者少牢尸十一飯上

佐食舉尸牢肺正脊以授尸經不云祭臠者文不具

也

按疏下當有尸受祭肺四字

有司徹主人獻侑主婦獻侑主人

獻長賓皆祭肺不臠肺亦皆禮之殺者是禮盛者臠肺不盛者不臠肺也鄉飲酒遵者入之禮若公則如賓禮啐酒臠肺也大夫則如介禮不啐酒不臠肺也蓋鄉飲酒鄉射之賓猶之燕禮大射之賓也有司徹祭畢饗尸之尸亦猶飲酒之賓也故皆啐酒臠肺盛其禮燕禮大射之有公亦猶鄉飲酒鄉射之有遵也諸公爲遵則如賓禮故亦啐酒臠肺尊之與賓同燕禮大射之有卿鄉射之有遵鄉射之遵不啐有司徹之有侑亦

猶鄉飲酒之有介也。故不啐酒不嚙肺。殺於賓及尸也。鄉飲鄉射之主人有司徹之主人主婦皆尊。故亦啐酒嚙肺。如賓尸禮。燕禮大射之主人則以宰夫爲之。遠下于賓。故不特不嚙啐。併亦無俎。但祭酒而已。祝尊于佐食。故特牲祝嚙啐。佐食不嚙啐。少牢祝啐酒。佐食不啐酒也。少牢祝及佐食俎皆無肺。故不祭嚙。嘉禮介與卿不嚙啐。則卑於介。卿皆不嚙啐也。吉禮侑與賓不嚙啐。則卑於侑。賓皆不嚙啐也。

凡祭皆于籩豆之間。或上豆之間。

廷堪案公食大夫禮賓祭正饌升席坐取韭菹以辯。

搯于醢上豆之間祭此祭豆也贊者東面坐取黍實于左手辯又取稷辯反于右手興以授賓賓祭之注賓亦興受坐祭之于豆祭也此祭黍稷也三牲之肺不離贊者辯取之壹以授賓賓興受坐祭注賓亦每肺興受祭于豆祭此祭俎也祭飲酒于上豆之間此祭酒也皆于豆間祭之云上豆者正饌六豆故也賓祭加饌贊者北面坐辯取庶羞之大興一以授賓賓受兼壹祭之注庶羞輕也自祭之于腍臠之間以異饌也庶羞亦實于豆腍臠三豆近賓則注所謂腍臠之間者亦上豆之間也士虞禮尸入九飯取菹搯

于醢祭于豆間特牲饋食尸入九飯右取菹揔于醢
祭于豆間主婦亞獻祝贊籩祭尸受祭之注籩祭東
栗之祭也其祭之亦于豆祭少牢饋食尸入十一飯
尸取韭菹辯揔于三豆祭于豆間上佐食取黍稷于
四敦下佐食取牢一切肺于俎以授上佐食上佐食
兼與黍以授尸尸受同祭于豆祭士虞特牲尸入九飯之前之祭為墮祭又名授祭皆祝命之祭即周官大祝九祭之命祭也少牢經不云命者文不具也注云墮祭爾敦官各肅其職不命者非也又後鄭大祝注引玉藻君若賜之食而君客之則命之祭為命祭亦主人獻祝祝取菹揔于醢祭于豆間有司徹主人獻尸尸右取韭菹揔于三豆祭于豆間尸取籩蕡蕡

通賓也宰夫贊者取白黑以授尸尸受兼祭于豆間主

人獻侑侑右取菹煠于醢祭于豆間又取麇蕡同祭于豆祭主婦獻尸尸祭糗脩同祭于豆祭以羊鉶之杞搗羊鉶遂以搗豕鉶祭于豆祭主婦獻侑侑坐取糗脩兼祭于豆祭主婦受尸酢主婦右取菹煠于醢祭于豆間又取麇蕡兼祭于豆祭不償尸之禮主婦亞獻尸取棗糗祝取栗脯以授尸尸兼祭于豆祭主婦獻祝祝取棗糗祭于豆祭主婦致爵于主人主人右取菹煠于醢祭于豆間士昏禮女父禮使者賓左執觶祭脯醢以杞祭醴三注凡祭于脯醢之豆間則

祭禮亦於豆間疏云此及冠禮鄉飲酒鄉射燕禮大射皆有脯醢則在籩豆之間此注不言籩及言豆者省文公食大夫及有司徹豆多者則言祭于上豆之間也據此是脯醢殺羞食羹酒醴之祭皆于籩豆之間或上豆之間也士冠士昏鄉飲酒鄉射燕禮大射諸經文不云祭于籩豆之間者文不具也

又案亦有祭不于豆間者公食大夫賓祭正饌扱上鉶以柶辯擣之上鉶之間祭疏云上鉶之間祭者著其異于餘者餘祭于上豆之間賓祭加饌坐席未取粱卽稻祭于醬清間注祭稻粱不以豆祭祭加宜于

加張氏爾岐曰醬清不得言加注偶誤梁是公所親設醬清亦公所親設公設是饌尊處故祭梁不于豆而於此耳張說是也然醬本豆實大羹清實于鐙注瓦豆謂之鐙則醬清間亦豆間但非前所祭上豆之間耳唯公食大夫祭鉶于上鉶之間爲異蓋有司徹尸祭鉶亦于豆祭也公食有四鉶故云上鉶疏云扱上鉶辯擣則唯有一柶優賓故用一柶少牢二鉶祭神故宜各有柶也考公食大夫之牲牛羊豕牛鉶二羊鉶豕鉶各一牲用一柶則當有三柶鉶用一柶則當有四柶今唯一柶故疏云然也

凡餽者亦祭

廷堪案士昏禮婦饋舅姑畢婦餽姑之饌御贊祭豆
黍肺舉肺脊乃食卒姑醕之婦拜受姑拜送坐祭卒
爵特牲饋食禮尸出宗人遣舉奠及長兄弟饔注古
皆作餽佐食授舉各一膚又云皆取舉祭食祭舉乃食
祭餽食舉主人酌醕上饔上美酌酢主人主人坐祭卒爵
少牢饋食禮尸出司宮設對席乃四人饔又云饔者
皆祭黍祭舉卒食主人酌醕皆祭酒卒爵是餽者亦
祭也餽是殺禮亦祭者重尊者之餘也又士昏禮媵
餽主人之餘御餽婦餘贊酌外尊醕之又婦饋舅姑

婦餼畢，媵御餼，姑醕之，皆不云祭者，禮又殺也。

又案曲禮餼餘不祭，父不祭子，夫不祭妻，鄭注食人之餘曰餼，餼而不祭，唯此類也。食尊者之餘則祭，盛之考之禮經，餼者亦祭，此則云餼餘不祭，故鄭氏云餼而不祭，唯父之于子，夫之于妻耳，可謂深得經意。疏復引熊氏說以申之，尤爲完密。陳氏顓後說雖失經意，尚知是祭食之祭，前說直以爲祭祀之祭，則陋甚矣。顧氏爰武亦以爲祭祀之祭，而不蒙上餼餘不祭之文，其失與陳氏等。蓋顧氏之學雖博，而于禮經特疏，故其言如此。論語君賜食，集註食恐或餼餘，故

不以薦亦誤以餽餘不祭爲祭祀之祭

凡飲酒君臣不相襲爵男女不相襲爵

廷堪案燕禮主人洗象觶獻公畢更爵洗升酌膳酒
以降酢于阼階下注更爵者不敢襲至尊也疏云獻
君自酢同用觶必更之者不敢因君之爵又公舉大
夫所媵爵酬賓卒觶後賓進受虛爵降奠于篚易解
洗公所飲者象觶故賓必易解也又主人獻士畢賓
媵觶于公公坐取賓所媵觶興唯公所賜受者如初
受酬之禮降更爵洗公所賜者亦象觶故受者必更
爵也大射儀主人獻公畢更爵洗升酌散燕禮作膳以降

酢于阼階下注更易也易爵不敢襲至尊

此注卽以更易與

燕禮注不又主人酬賓後小臣作下大夫二人媵爵

媵爵者洗角觶升酌散卒觶後待于洗南小臣請致

者若命皆致則序進奠觶于篚洗象觶升實之序進

坐奠于薦南公酬賓卒觶後賓進受虛觶降奠于篚

易觶興洗又射畢主人獻士後賓媵觶于公酌散卒

爵後降洗象觶升酌膳坐奠于薦南公坐取賓所媵

觶興唯公所賜受者如初受酬之禮降更爵洗此媵

爵者自飲皆用角觶媵爵于公皆用象觶故受者仍

更角觶始酬其他卑者不敢用尊者觶也

燕禮亦然此皆

君臣不相襲爵者也。至于燕禮大射儀，酬賓公有命，則不易，不洗，注不易，君義也。不洗，臣禮也。賓卒解後，若膳解也，則降更解，洗敖氏，繼公曰：公優所酬者，或使得用膳解而不可及乎其他？是以更用角解受酬者，得用象解，蓋以君命之故，非常例也。特牲饋食禮，主人致爵于主婦，後主人更爵酌醋，注主人更爵自酢，男子不承婦人爵也。祭統曰：夫婦相授受，不相襲處，酢必易爵，明夫婦之別。又三獻，謂賓也，洗爵酌致于主人，主婦更爵酢于主人，注賓更爵自酢，亦不承婦人爵。又主人洗獻內兄弟于房中，更爵酢少牢饋食。

禮主婦亞獻尸卒爵祝受尸爵易爵洗酌授尸主婦
拜受爵尸答拜注祝出易爵男女不同爵又尸酢後
主婦以爵出贊者受易爵于篚以授主婦于房中主
婦洗酌獻祝男女不相襲故獻祝亦易爵也有司徹
主婦獻尸獻侑致爵于主人畢尸降筵受主婦爵以
降注將酢主婦尸易爵于篚盥洗爵注易爵者男女不相
襲爵又不僨尸之禮主婦亞獻尸卒爵祝易爵洗酌
授尸尸以醋主婦又主婦獻祝其酌如僨如僨如少牢禮也則
亦易又賓致爵于主人主婦畢易爵于篚洗酌醋于
主人此皆男女不相襲爵者也至于特牲饋食禮主

婦亞獻尸酢如主人儀注不易爵辟內予有司徹不
饋尸之禮主婦致爵于主人受爵酌以醕注自酢不
更爵殺蓋男女不易爵皆禮殺之故然則特牲主婦
致爵于主人受爵酌醕經不云易爵亦禮殺也

又案敖氏繼公曰易觶謂更取角觶或言更或言易
互文耳燕禮易觶洗注于尊者言更自敵以下言易
更作新易有故之辭疏云上文主人獻公更爵洗下
文賓酬卿若膳觶也則降更觶是與尊者之爵言更
此文易觶洗是與卑者言易又云下士舉旅公坐取
賓所膳觶唯公所賜受者如初受酬之禮降更爵洗

升酌膳彼亦是尊者與卑者之爵不言易而言更者
旅酬下爲上尊前人故不言易而言更也又云特牲
賓長致爵于主人主婦言更爵酢者欲得嘉賓美容
以事其先故言更少牢不儗尸致爵于主人主婦賓
易爵酢者大夫禮尊于賓有君道故言易張氏爾岐
曰易猶更也注于更易二義太生分別疏家援證雖
多亦未見確據朱子經傳通解說同竊謂張氏之說是也考大
射儀主人獻公畢更爵洗注更易也則鄭氏已不能
自守其說而疏文出於附會明矣

凡脯醢謂之薦出自東房

廷堪案薦卽脯醢也士冠禮始加醢用脯醢注凡薦
出自東房疏云醢尊在房脯醢出自東房酒尊在堂
脯醢亦出自東房鄉飲酒鄉射特牲少牢薦者皆出
東房故云凡以該之考士冠禮陳服于房中又云脯
醢南上士東房西室云房中卽東房也鄉飲酒記薦
脯五挺橫祭于其上出自左房鄉射記薦脯用籩五
臠祭半臠橫于上醢以豆出自東房特牲饋食禮視
濯豆籩鉶在東房又祭日實豆籩鉶陳于房中少牢
饋食禮視濯少牢視濯卽于祭日與特牲異饋豆籩與篚于房中又
云改饋豆籩于房中南面如饋之設實豆籩之實又

陰厭主婦薦自東房此皆䟽所已言者也公食大夫
禮賓升設正饌宰夫自東房授醢醬又云宰夫自東
房薦豆六有司徹主人獻尸主婦自東房薦韭菹醢
又云婦贊者執昌菹醢以授主婦又云主婦興取籩
于房醢醬又云婦贊者執白黑以授主婦又主婦獻
尸興入于房取糗與脰脩執以出又主婦致爵于主
人設糗脩如尸禮又主人獻長賓宰夫自東房薦脯
醢又不賓尸之禮主婦亞獻反取籩于房中執棗糗
又云婦贊者執栗脯此皆䟽所未言者也燕禮大射
聘禮以及有司徹主人獻侑主人受尸酢主婦獻侑

主婦受尸酢不償尸之禮主婦獻祝主婦致爵于主人賓致爵于主婦所薦籩豆經雖無文則皆出自東房可知也薦亦有不在東房者特牲記云賓與長兄弟之薦自東房其餘疏云謂衆賓兄弟之薦也在東堂是也簠簋鉶庶羞亦有在東房者公食大夫禮凡宰夫之具饌于東房注凡非一也飲食之具宰夫所掌也下文凡宰夫所

設者皆在東房酒漿亦在東房

正饌宰夫設黍稷六簋于俎西加饌

宰夫授公飯粱又宰夫膳稻于梁西少牢陰厭主婦

自東房執一金敦黍又云婦贊者執敦稷以授主婦

主婦興受又興受贊者敦黍又興受贊者敦稷此簠

簋之在房者也。公食大夫禮。宰夫設鉶四于豆。西少牢。尸入。上佐食羞兩鉶。取一羊鉶于房中。又云下佐食。又取一豕鉶于房中。以從。特牲鉶在房中見上有司徹主婦獻尸入于房。取一羊鉶。又云主婦贊者執豕鉶以從。主婦致爵于主人。設二鉶。如尸禮。此鉶之在房者也。有司徹及不賓尸之禮。宰夫羞房中之羞。此羞之在房者也。此內羞故在房亦有不在東房者。特牲視濯兩敦在西堂。公食大夫士羞庶羞由門入。升自西階。是也。若士虞禮饌兩豆菹醢于西楹之東。醢在西。一鉶亞之。從獻豆兩亞之。四簋亞之。則是反吉。非恆例矣。

又案有司徹注房中之羞其籩則稌餌粉羞其豆則
醢食糝食則內羞亦籩豆也內羞是穀物庶羞是牲
物

凡牲皆用右胖唯變禮反吉用左胖

廷堪案鄉飲酒記賓俎脊脅肩肺主人俎脊脅臂肺
介俎脊脅肫脰肺皆右體進腍鄉射記賓俎脊脅肩
肺主人俎脊脅臂肺皆右體也進腍注右體周所貴
也此嘉禮用右胖也特牲饋食記尸俎右肩臂肫肫
脰正脊二骨橫脊長脅二骨短脅少牢饋食禮實鼎
司馬升羊右胖脾不升注上右肺周所貴也又云司

士升豕右胖髀不升又將祭載俎上利升羊載右胖
髀不升又云下利升豕其載如羊有司徹司馬杞羊
亦司馬載載右體又云司士杞豕亦司士載亦右體
此吉禮用右胖也是凡牲皆用右胖也既夕禮大遺
奠陳鼎其實羊左胖髀不升豕亦如之注反吉祭也
士虞記豚解升左肩臂臠肫脰脊脅又云升腊左胖
髀不升是變禮反吉始用左胖也至于特牲記賓骼
注骼左骼也賓用左骼者下尸也有司徹侑俎羊左
肩左肫又云豕左肩折侑用左體者亦下尸也主婦
俎羊左臠主婦用左體者因昨俎無體故下主人也

此皆禮之殺者故不用右胖也

又案士冠禮若殺則特豚載合升注煮于鑊曰亨在鼎曰升在俎曰載載合升者明亨與載皆合左右胖士昏禮初昏陳鼎其實特豚合升去蹄注合升合左右胖升于鼎也士喪禮大斂奠陳鼎豚合升注合升合左右體升于鼎冠禮人道之始昏禮男女之始大斂人道之終故皆合升左右胖異於他禮也又士冠禮若殺注凡牲皆用左胖本疏云特牲少牢皆用右胖少儀云大牢則以牛左肩折九箇爲歸胙用左則用右而祭之鄉飲酒鄉射用右體與祭同據周而言也

此云用左鄭據夏殷之法與周異也竊謂注凡牲皆用左胖當作右胖左字蓋傳寫之誤疏以若不醢則醢用酒爲夏殷冠子之法故爲此說以遷就之不足信也陳氏祥道曰豚則吉凶皆合升用成牲則升其胖而去髀吉升右而凶升左

凡牲二十一體謂之體解

廷堪案特牲饋食記右肩臂臠肫脰正脊二骨橫脊長脅二骨短脅此九體也少牢饋食禮司馬升羊右胖髀不升肩臂臠肫脰正脊一脰脊一橫脊一短脅一正脅一代脅一注髀不升近竅賤也肩臂臠肫脰骨

膊、胛、股、骨、脊從前爲正脅，旁中爲正脊，先前脅先後
屈而反，猶器之綆也。此十一體也。疏云：脊以前爲正，
其次名脰，卻後名橫。此三脊之次序也。疏又以代脅
最在前，則正脅居中，代脅在後矣。此三脅之次序也。
司士升豕，右胖同特，牲九體，少牢多脰，脊代脅爲十
一體，合左胖、肱骨三、股骨二、脅骨三爲十九體，加二
轂爲二十一體，皆體解也。又鄉飲酒記注：凡牲前脰
骨二、肩臂、臑也，後脰骨二、膊、胛也。陳氏祥道曰：肱骨
三、肩臂、臑也，股骨三、肱音純、膊亦作膊、胛亦作、轂也。脊骨三
正脊、挺脊、橫脊也。脅骨三代脅、長脅特牲又、短脅也。

正脊之前則膾也

亦謂之脰

肫之上則髀也然則左右肱

之肩臂臑與左右股之肫脇股而爲十有二脊骨三

與左右脅骨六而爲九二穀正祭不薦于神尸主人

之俎兩髀不升于主人主婦之俎膾不升于吉祭之

俎

土虞視俎髀脰

則祭之所用者去髀膾而二十有一去二

穀而爲十九矣陳氏之說蓋本之于少牢疏

少牢上利升羊

注凡牲體之數及載備于此疏言二十一體取二穀不取二髀與陳說同

朱文公以陳氏

爲穿鑿欲去兩穀而以兩髀備二十一體之數不但

與賈疏異且與經文髀不升之說亦不相合矣

凡牲七體謂之脰解

廷堪案七體之說有二。士虞記升左肩臂臠肫胙脊脅注脊脅正脊正脅也。喪禮略七體耳。此七體也。此左肫之七體。亦謂之體解。士喪禮小斂陳一鼎其實特豚四豕去蹄兩肫脊注豕解也。四解之殊肩髀而已。肫脅也。如注言殊肩髀爲四。加兩脅一脊爲七。亦七體也。此全牲之七體。則謂之豚解。士虞記殺于廟門西。主人不視豚解。注豚解解前後脰脊脅而已。熟乃體解。升于鼎也。是注所謂豚解卽指四豕兩肫一脊也。陳氏祥道曰。國語曰。禘郊之事則有全豕。王公立飫有房脅。親戚燕飲有殽脅。則全豕豚解也。房脅

體解也殺胄骨折也士喪禮特豚四豕去蹄兩胎也

脊既夕鼎實羊左胖亦如之然則四豕者殊左右肩

髀而爲四又兩胎一脊而爲七此所謂豚解也士喪

禮略豚解而已至虞然後豚解體解兼有焉若夫正

祭則天子諸侯有豚解體解禮運曰腥其俎孰其殺

謂豚解而腥之爲七體孰其殺謂解之爛之爲二十一體大夫士有體解無豚解

以其無朝踐獻腥之禮故也說與鄭注合朱文公儀

禮經傳通解曰豚解之義陳說得之則亦以其說爲

然也若夫析之爲九體爲十一體爲十九體爲二十

一體以及士虞七體蓋皆體解矣鄉飲酒禮主人獻

賓乃設折俎疏云凡解牲體之法有全脅其豚解爲二十一體體解則此折俎是也則誤以體解爲豚解而別以折俎爲體解不可從也

凡肺皆有二一舉肺一祭肺

廷堪案士冠禮離肺注離割也割肺者使可祭也可
臠也此卽舉肺也離者午割之離而不殊畱中央少
許相連祭時以右手絕而祭之其餘在左手者則臠
之也鄉飲酒鄉射燕禮大射皆先祭後臠是皆離肺
也公食大夫禮三牲之肺不離注不離者刲之也不
言刲刲則祭肺也此舉肺不離而刲之者便賓祭也

●祭離肺者絕肺祭也此卽祭肺也考下文賓興受坐祭不云臠之則爲祭肺可知注以爲舉肺者非也士虞記云離肺又云祭肺注離肺舉肺也特牲饋食記離肺一注離猶挫也小而長午割之亦不提心謂之舉肺又云刲肺三注爲尸主人主婦祭今文刲爲切少牢饋食禮司馬升羊司士升豕皆云舉肺一祭肺三注舉肺一尸食所先舉也祭肺三爲尸主人主婦皆舉肺祭肺兼有者也有司徹尸主人羊俎皆祭肺一羊肉滂皆臠肺一豕俎皆臠肺一亦舉肺祭肺兼有脩羊俎豕俎有切肺無臠肺主婦俎有臠羊肺無

祭肺皆不備禮也。士昏禮舉肺脊二，祭肺二注，每皆二者。夫婦各一耳。疏云：祭時二肺俱有，生人唯有舉肺。今此得有祭肺者，禮記郊特牲論娶婦元冕齊戒鬼神陰陽也，故與祭祀同也。今考亦有鬼神而用舉肺者，既夕禮大遺奠，鼎實離肺是也。亦有生人而用祭肺者，公食大夫禮三牲之肺不離是也。

凡牲殺曰饔，生日餼。饔之屬皆陳于堂，上下餼之屬皆陳于門內外。

廷堪案：聘禮歸聘賓饔餼，饔飪一牢，鼎九設于西階前，陪鼎當內廉，東面北上。王當碑，南陳牛羊豕魚腊。

腸胃同鼎膚鮮魚鮮腊設局鼎腍臠臠臠蓋陪牛羊豕
牲之已亨者謂之飪此飪一牢鼎九及陪鼎三設于
西階前又云腥二牢鼎二七無鮮魚鮮腊設于阼階
前西面南陳如飪鼎二列牲之未亨者謂之腥此腥
二牢各七鼎設于阼階前飪與腥皆饗也是牲之殺
者曰饗也又云堂上八豆設于戶西西陳皆二以竝
東上韭菹其南醯醢屈注屈猶錯也八簋繼之黍其南稷
錯六鉶繼之牛以西羊豕豕南牛以東羊豕兩簋繼
之梁在北八壺設于西序北上二以竝南陳此陳于堂之側
西夾六豆設于西墉下北上韭菹其東醯醢屈六簋

繼之黍其東稷錯四鉤繼之牛以南羊羊東豕豕以

北牛兩簠繼之梁在西皆二以竝南陳六壺西上二

以竝東陳饌于東方亦如之西北上壺東上西陳

此陳

于東西此堂下所陳皆從飪牢者也又云醯醢百鑿

夾碑十以爲列醢在東又云米百筥

記四秉曰筥

設于中

庭十以爲列北上黍梁稻皆二行稷四行此堂下所

陳皆從腥牢者也皆饗之屬陳之以堂爲則故曰饗

之屬皆陳于堂上下也又上介饗饌三牢飪一牢在

西鼎七羞鼎三腥一牢在東鼎七此上介之饗飪腥

各一牢亦在階前又云堂上之饌六西夾亦如之此

從飪牢者陳于堂上。又云筯及壘如上賓。此從腥牢

者陳于堂下。其數皆減于賓禮殺也。又聘前宰夫設

殽聘賓飪一牢。在西鼎九。羞鼎三。腥一牢。在東鼎七。

堂上之饌八。西夾六。上介飪一牢。在西鼎七。羞鼎三。

堂上之饌六。又云衆介皆少牢。注亦飪上介有飪無腥。

衆介飪無牛。皆隆殺之義。設殽故有饗無飪也又歸饗餼聘賓

餼二牢。陳于門西北面。東上牛。以西羊豕。豕西牛羊

豕。注餼生也。此餼二牢皆陳于門內。是牲之生者曰

餼也。又云門外米三十車。車秉有五簋。注秉有五簋

聘禮記十六斗曰簋十設于門東爲三列。東陳禾三

數曰秉二百四十斗

十車車三秬

聘禮記四百
乘爲一秬

設于門西。西陳薪芻倍禾

此米禾薪芻從生牢者也。皆陳于門外。陳之以門爲

則。故曰餼之屬皆陳于門內外也。又上介餼一牢。門

外米禾視死牢。牢十車薪芻倍禾。凡其實與陳如上

賓。賓餼二牢。上介餼一牢。殺也。又士介四人皆餼大

牢。米百筥設于門外。注牢米不入門。略之也。士介饗

則有米無牢。餼則有牢無米。又皆在門外。禮又殺也。

前歸賓饗餼。米百筥設于中庭。敖氏繼公曰。此米從

餼者也。竊謂敖氏以此節在餼二牢之下。故望文生

義。以爲從餼非也。以米言之。簋簋之米從飪牢。筥米

從腥牢。車米從生牢。經例甚明考之下經歸上介饗
飪腥各一牢。堂上之饌六。西夾亦如之。下卽云筯及
糝如上賓。則米筯在醢醢糝之上。則從饗可知。然則
歸賓饗餼米百筯。節似非其次。宜在醢醢百糝節之
上。絕爛誤在餼二牢節之下也。

又案聘禮夫人使下大夫韋弁歸禮聘賓堂上籩豆
六。設于戶東西上。二以竝。東陳。壺設于東序北上。二
以竝。南陳。醢黍清皆兩兩。壺上介四豆四籩四壺。又
大夫餼賓大牢。米八筐。聘禮記凡餼大夫黍粱稷筐五斛上介亦如
之。衆介皆少牢。米六筐。夫人之禮無牢。無籩簋。但有

籩豆及壺大夫有餼無饗皆遠下人君也

又案論語君賜食卽禮所謂飪也君賜腥卽禮所謂腥也君賜生卽禮所謂餼也自何氏集解而後說論語者皆不知爲典禮所關雖江氏永之深於禮而所著鄉黨圖考亦未引此經以證之甚矣讀書會通者之難也

又案公食大夫禮若不親食使大夫各以其爵朝服以侑幣致之豆實實于籩陳于楹外二以竝北陳簋實實于筐陳于楹內兩楹間二以竝南陳庶羞陳于碑內庭實陳于楹外牛羊豕陳于門內西方東上賓

朝服以受如受養禮無償此歸食禮于賓故有養無餼也

凡食于廟燕于寢鄉飲酒于庠

廷堪案公食大夫禮公迎賓于大門內公揖入賓從及廟門公揖入注廟禰廟也是食禮行于廟也燕禮膳宰具官饌于寢東注寢路寢燕禮記燕朝服於寢注燕於路寢相親昵也是燕禮行於路寢也鄉飲酒禮經文不云行于何處禮記鄉飲酒義主人拜迎賓于庠門之外入三揖而后至階三讓而后升所以致尊讓也是鄉飲酒之禮行于庠也鄉飲酒義鄭注云

庠鄉學也。州黨曰序。孔氏正義曰：此謂鄉大夫故迎賓于庠門外。若州長黨正則于庠門外也。又鄭目錄云：名曰鄉飲酒義者，以其記鄉大夫飲賓于庠序之禮，尊賢養老之義。據此則鄉飲酒亦有行于序者。考鄉飲酒禮注主人謂諸侯之鄉大夫也。則禮經此篇行之于庠可知。故鄉飲酒義亦云迎賓于庠門之外也。而禮記鄭注孔疏及鄭目錄皆云庠序者，蓋兼州長習射黨正蜡祭言之。

又案公食大夫禮及廟門疏云：儀禮之內，單言廟者，皆據禘廟。是以昏禮納采云：至于廟。記云：凡行事必

用昏昕受諸禰廟以此而言則言廟皆禰廟也若非禰廟則言廟祧若聘禮云不腆先君之祧問卿云受於祖廟之類是也但受聘在祖廟食饗在禰廟燕輕於食饗又在寢是其差次也饗禮篇亡周官大宗伯以饗燕之禮親四方之賓客賈疏亦云饗烹大牢以飲賓獻依命數在廟行之蓋饗食燕三者饗最重食次之燕又次之故賈氏云然若然則饗禮亦行于禰廟也

周官九祭解

大祝九祭後鄭破杜子春及先鄭之說以爲皆飲食之

祭善矣惜其猶雜徵傳記未能悉依禮經也爰取舊注

之善者從之餘則以經為主下以已意俟後之學者擇

焉一曰命祭謂墮祭也墮祭卽按祭

士虞作墮祭注今文墮爲綏特牲作

按祭注周禮曰既祭則其墮墮與按讀同耳必祝命之故曰命祭特牲饋食

禮尸入祝命按祭尸執觶右取菹

亦作搯

于醢祭于豆

間佐食取黍稷肺祭授尸尸祭之祭酒啐酒告旨祭釂

嘗之告旨士虞禮祝命佐食墮祭祭豆在祝命之前與

特牲小異餘大率同也特牲不云命佐食者文不具也

少牢饋食禮尸入祝反南面注未有事也墮祭爾敦官

各肅其職不命此說非也按士虞祝拜妥尸此西面拜

也

與少牢同

拜畢就南面位命墮祭特牲命按祭亦南面則

少牢墮祭亦當命之士虞特牲云命祭少牢云南面互見也大夫威儀多不宜殺于士矣此祭在尸未飯時悉備諸祭蓋祭食之最重者故以爲首二曰衍祭謂祭酒也詩小雅伐木醕酒有衍籩豆有踐毛傳衍美貌又特牲饋食禮主人洗角升酌醕尸注醕猶衍也是知衍祭爲祭酒也飲酒之禮獻酒必祭如鄉飲酒鄉射燕禮大射士虞特牲少牢有司徹之獻酒皆祭雖獻工獻笙獻獲者獻釋獲者獻祝獻佐食之屬無不祭者酢酒酬酒以及舉觶媵爵爲旅酬無算爵始之酒亦必祭唯至旅

酬無算爵乃不祭耳凡祭酒皆左手執爵于豆間祭之
又祭醴亦啐之祭釂亦嘗之而告旨則祭醴祭釂當附
于衍祭也三曰炮祭謂祭豆籩也鄭康成曰炮字當爲
包聲之誤也包猶兼也按籩實爲脯豆實爲醢則用搗
祭或振祭籩實爲糗脩豆實爲菹醢則用兼祭有司徹
主婦受尸酢左執爵右取菹捩于醢祭于豆間此祭豆
也又取麇蕢兼祭于豆祭此祭籩也豆籩同祭故謂之
兼祭不償尸之禮主婦亞獻尸左執爵取棗糗祝取栗
脯以授尸尸兼祭于豆祭亦兼祭也他如特牲主人獻
尸有司徹主人獻侑受尸酢主婦獻尸獻侑致爵于主

人不償尸之禮主婦獻祝致爵于主人賓致爵于主婦
皆豆籩同祭經或云兼祭或云同祭其實皆兼祭也後
鄭所舉有司徹宰夫贊者取白黑以授尸尸受兼祭于
豆祭則主人獻尸之禮也四曰周祭鄭康成曰周猶徧
也曲禮曰殺之序徧祭之按公食大夫禮賓祭正饌坐
取韭菹以辯卽徧字擣于醢上豆之間祭此祭豆也豆有
六故云辯又云贊者東面坐取黍實于左手辯又取稷
辯反于右手興以授賓賓祭之此祭黍稷也簋有六故
云辯又云三牲之肺不離贊者辯取之壹以授賓賓興
受坐祭此祭肺也食禮用牛羊豕故云辯又云扱上鉶

以杞辯擣之上鉶之間祭此祭鉶也鉶有六故云辯又
賓祭加饌贊者北面坐辯取庶羞之大興一以授賓賓
受兼一祭之此祭庶羞也庶羞十六豆故云辯皆周祭
也至于少牢墮祭尸取韭菹辯擣于三豆祭于豆間則
又命祭中之周祭矣五曰振祭六曰擣祭皆謂祭薦俎
也鄭康成曰振祭擣祭本同不食者擣則祭之將食者
旣擣必振乃祭也按士虞特牲尸入九飯佐食舉肺脊
舉幹舉骼士虞作脇舉肩皆振祭臠之少牢尸入十一飯上
佐食舉牢幹魚腊肩牢骼牢肩尸亦振祭臠之前此上佐食舉
牢肺正脊以授尸當亦振祭此皆祭俎不擣而卽振者
臠之經不云者文不具也

也士虞特牲少牢有司徹凡以肝燔從者皆擣于俎鹽

振祭臠之此則擣而後振者也將食故必振鄉飲酒鄉

射燕禮大射所云祭薦皆是擣祭鄉射記云薦脯五臟

祭半臠橫于上

臠長尺有二寸

蓋祭者左執爵右取祭脯擣于

醢而祭于豆間不食故不振經不云擣者省文也若籩

實是糗脩之屬不可擣則必取菹擣于醢兼取籩實祭

之又爲兼祭矣賈疏引特牲少牢按祭以明不食則不

振非注意也

少牢主人獻祝祝取菹擣于醢祭于豆間此方是擣祭若按祭所云則命祭中之擣

祭公食大夫祭豆祭

七曰絕祭八曰繚祭皆謂祭肺也

鄭司農曰絕祭不循其本直絕肺以祭也繚祭以手從

肺本循之至于末乃絕以祭也鄭康成曰絕祭繚祭亦本同禮多者繚之略者絕則祭之按鄉射燕禮大射主人獻賓大射主人獻卿特牲主婦致爵于主人主人獻賓有司徹主人獻尸主人主婦受尸酢不儗尸之禮主婦致爵于主人賓致爵于主婦經皆云興取肺坐絕祭是大夫士皆絕祭非繚祭也唯鄉飲酒禮主人獻賓興右手取肺卻左手執本坐弗繚右絕末以祭尚左手嚙之興加于俎注以弗繚爲繚祭鄭司農亦引此以爲繚祭之證疏云鄉飲酒大夫禮故云繚祭鄉射士禮故云絕祭但繚必兼絕絕不得兼繚是以此經云繚兼言

絕也又云燕禮大射雖諸侯禮以臣在君前故不爲繚
祭然則有司徹大夫禮非在君前何以亦不繚祭也張
稷若曰弗繚者直絕末以祭不必繚也大夫以上乃繚
士則否經文言弗繚以賓固士也說與鄭賈異如張氏
所言則禮經無繚祭矣九曰其祭鄭康成曰其猶授也
謂授祭也按燕禮主人獻公膳宰贊授肺大射主人獻
公庶子贊授肺此絕祭也士虞特牲少牢墮祭皆佐食
授之此命祭也尸入飯時舉牲體亦佐食授之此振祭
也有司徹主人獻尸宰夫贊者取白黑以授尸不儻尸
之禮主婦亞獻祝取栗脯以授尸此兼祭也公食大夫

祭黍稷祭肺祭肝羞亦贊者授之此周祭也皆爲其祭
也有司徹主婦致爵于主人其祭糗脩祭釼祭酒皆如
尸禮張忠甫疑其字是其字之誤非也前尸祭籩是兼
祭若祭釼祭酒則不授也凡祭遠者授近者不授脯醢
羹酒皆在席前故祭薦祭釼祭酒無授祭也其祭亦備
諸祭故以爲九祭之終焉若夫命祭杜子春以爲祭有
所主命鄭康成又以爲玉藻之君命衍祭鄭司農以爲
祭殤鄭康成又以爲曲禮之延客祭炮祭鄭司農以爲
燔柴祭天周祭鄭司農以爲四面爲坐賈公彥解以爲
祭百神皆與禮經不合則不暇悉爲之辨矣

儀禮釋牲上篇

凡牲左體謂之左肸右體謂之右肸前體謂之肱骨又謂之前脛骨肱骨三最上謂之肩肩下謂之臂臂下謂之臑後體謂之股骨又謂之後脛骨股骨三最上謂之肱又謂之膊肱下謂之脛又謂之髀脛下謂之股中體謂之脊脊骨三前骨謂之正脊中骨謂之脰脊後骨謂之橫脊脊兩旁之肋謂之脅又謂之肱又謂之幹脅骨三中骨謂之正脅又謂之長脅前骨謂之代脅後骨謂之短脅

少牢饋食禮鄭氏注脊從前爲正脅旁中爲正

肩上謂之脰又謂之肱

肱上謂之髀餘骨謂之儀所以踐地謂之蹄

土昏土喪皆云去蹄

則凡牲皆去蹄可知脊骨盡處謂之尻皮謂之膚精者謂之倫膚

腹腴謂之腸胃知食味者謂之心舌氣主謂之肺舉肺

謂之離肺又謂之癢肺祭肺謂之刳肺又謂之切肺肺

與正脊謂之舉肉理謂之腩又謂之奏鄉飲酒記鄉射記皆作腩公食

大夫禮作奏肉在汁中者謂之肉漬殊左右肱股四脊一兩

脊二謂之七體又謂之豚解豚解謂之全脊士虞記豚解鄭注豚

解解前後脰脊脊而已左右肱股骨各六脊骨三左右

脊骨六謂之二十一體又謂之體解體解謂之房脊股

三陳氏祥道禮書曰肱也股也股也不數髀以經云髀不升故也儀禮經傳通解謂當去二股增二髀為二十

一體與節解謂之折骨折謂之殺脊凡士冠昏喪之牲

禮記集說卷五 五

特豚鄉飲酒鄉射燕大射之牲狗士虞特牲之牲豕既
夕少牢有司徹之牲羊豕公食大夫之牲牛羊豕凡牛
羊有腸胃無膚豕有膚無腸胃少儀曰君子不食國腍凡牲皆用
右體進腍變禮則用左體進祇凡腊之體同牲

儀禮釋牲下篇

在鼎謂之升在俎謂之載士冠之鼎合左右胖離肺士
昏之鼎合左右胖去蹄舉肺脊二祭肺二士昏三鼎其

公食大夫之鼎牛羊豕各一鼎牛羊腸胃共一鼎豕膚

一鼎

公食下大夫七鼎其二鼎則魚腊若上大夫增鮮魚鮮腊為九鼎

士喪之鼎四鬯

去蹄兩肺脊肺

此即豚解小斂奠一鼎大斂奠朔月奠既夕遷祖奠皆三鼎其二鼎則魚腊既

脅離肺膚祭三肺祭一特牲之鼎豕右胖十一體土虞特牲

少牢之鼎羊豕右胖各一鼎豕膚一鼎

之饌皆不升少牢五鼎其二鼎則魚腊鄉飲酒鄉射賓俎脊脅肩肺主人

俎脊脅臂肺遵俎脊脅臠肺見賈氏疏鄉飲酒介俎

脊脅肭胛肺賈疏大夫俎卑于賓主人尊于介若有一大夫用膾卽介用肭若有二大夫分用膾

肱則介用脬故肱脬
兩見或曰肱字衍
鄉射獲者之俎折脊脅肺屬
宜肱字衍

大射獻服不注引鄉釋獲者之俎折脊脅肺皆有祭注

祭肺也。祭燕禮大射賓俎脊脅肩肺。有燕禮記唯公與賓。俎大射主人獻。

肩肭注引鄉射記曰肭組脊脅公組脊脅臂肺大射主

庶子設折俎注引鄉射記曰主人俎脊脅脰大射卿俎

肺然則公俎如鄉飲酒鄉射之主人俎也注卿折俎未

脊脅臠折肺大射主人獻卿庶子設折俎注卿折俎未

公食大夫之俎肩臂臠肫骼脊脅此賈疏所說即士虞

其左肫以為庶羞牛羊豕各一俎牛羊腸胃七共一

俎豕倫膚七一俎上大夫或九或十一士虞尸俎如其

鼎祝俎髀脰脊脅離肺特牲少牢折俎心舌特牲饋食

尸俎右肩臂臠肫脰正脊二骨橫脊長脅二骨短脅膚

三離肺一剗肺三此特牲九體無脰脊代脅祝俎髀脰脊二骨脅二

骨膚離肺各一昨俎臂正脊二骨橫脊長脅二骨短脅

膚離肺各一人俎也主婦俎穀折其餘如昨俎佐食俎

殷折脊脅膚離肺各一賓組骼長兄弟宗人組折其餘
如佐食組衆賓衆兄弟內賓宗婦公有司私臣組皆殷
脊膚離肺各一少牢饋食尸羊組右肱肩臂臠膊脰正
脊脰脊橫脊各一短脅正脅代脅各一腸胃各三舉肺
一祭肺三此少牢十一體也尸豕組如羊無腸胃豕膚九另組

祝俎牢髀橫脊短脅各一腸胃各一膚三佐食組折一
膚有司徹尸羊組右體肩臂肱脰臠臠在肱下正脊脰脊

橫脊各一短脅正脅代脅各一腸胃祭肺各一脩羊組

左肩左肱正脊及脅各一腸胃切肺各一阼羊組肺祭

肺各一

尸阼脩唯羊組爲正組其尸阼羊內清二組尸
阼脩豕魚各三組其八組皆以二組益送之

主婦俎羊左腩脊脅各一腸胃豕膚臠羊肺各一長賓
俎羊骼一腸胃切肺豕膚各一長兄弟俎折脅一膚一
衆賓衆兄弟俎儀內賓私人俎脅

禮經釋例卷五

八月初四日請教